

## Innspel til områdeplan for Hafslo - open kontordag 25.juni 2020

Ove Midtbø <ovemidtbo@hotmail.com>

Thu 6/25/2020 7:30 AM

To: postmottak@luster.kommune.no <postmottak@luster.kommune.no>

Cc: Arne.Ingjald.Lerum@luster.kommune.no <Arne.Ingjald.Lerum@luster.kommune.no>

📎 1 attachments (469 KB)

HIL ANLEGGSPPLAN 2019-2022 - endeleg m. endringar etter årsmøte 07.02.2019.pdf;

Hei.

Vi er usikre på om nokon frå Hafslo IL har høve til å møte planavdelinga under open kontordag om arbeidet med områdeplan for Hafslo torsdag 25.juni. På vegner av Hafslo IL ønskjer eg uansett å kome med nokre innspel.

Hafslo IL har stor aktivitet, og er generelt opptekne av at det vert lagt til rette for idrettsaktivitet for born og unge i bygda. Vi har allereie eit flott område i sentrum i nærleiken av skulen, med kunstgrasbane, leikeapparat mm. Det som har vore ei utfordring i mange år, er tilstrekkeleg innandørs treningsareal på vinterstid. Gymsalen i Samfunnsbygget er det stort press på, og er mellom anna for liten til at det kan spelast handballkampar og innandørs fotballkampar på vinterstid. Gymsalen har også vist seg å vere for liten i samband med enkelte lokale arrangement dei siste åra, og dette skuldast i stor grad den store auken i folketalet på Hafslo dei siste åra. Med nytt bustadfelt i Botn, er det grunn til å tru at folketalet også vil auke på Hafslo i åra som kjem.

På årsmøtet i Hafslo IL i februar 2019, vart det vedteke ny anleggsplan for perioden 2019-2022, sjå vedlegg. Eitt av anlegga Hafslo IL ønskjer å få realisert, er fleirbrukshall på Hafslo. Eit slikt anlegg bør ligge sentralt på Hafslo og i nærleik til skulen. På side 10, 11 og 12 i anleggsplanen står følgjande om eit slikt anlegg:

*6. Fleirbrukshall Hafslo. Det er frå fotballgruppa si side ytra ynskje om at Hafslo IL skal arbeide for å realisere ein fleirbrukshall på Hafslo. Eit anlegg som dette vil kunne realiserast innanfor ei kostnadsramme på 16-18 mill. kr, dersom ein har tilgjengeleg areal. Grunnarbeid kjem i tillegg. Fleirbrukshallar bør vidare etablerast i nærleiken av skular. Då dette er eit forholdsvis stort prosjekt, rår styret i Hafslo IL til at ein prøver å realisere eit slikt anlegg gjennom politisk arbeid. Prosjektet er for stort til at Hafslo IL kan vera anleggseigar åleine.*

*DET ER BEHOV FOR EIN SLIK FLEIRBRUKSHALL PÅ HAFSLO GRUNNA STOR AUKE I FOLKETAL OG BORN SIDAN NOVERANDE SAMFUNNSBYGG VART REALISERT. IDRETTSLAGET TRENG TRENINGSAREAL PÅ VINTERSTID. DÅ DETTE ER EIT FORHOLDSVIS STORT PROSJEKT, RÅR STYRET I HAFSLO IL TIL AT EIN PRØVER Å REALISERE EIT SLIKT ANLEGG GJENNOM DIALOG MED KOMMUNEN OG GJENNOM POLITISK ARBEID. PROSJEKTET ER FOR STORT TIL AT HAFSLO IL KAN VERA ANLEGGSEIGAR ÅLEINE. ØNSKJER LIKEVEL Å FÅ ANLEGGET INN I PLANEN, SLIK AT EIN KAN ARBEIDE VIDARE MED PLANANE I KOMANDE PLANPERIODE.*

Fleirbrukshall på Hafslo ligg også inne i den kommunale planen for fysisk aktivitet, idrett og friluftsliv 2020 -

2032: <http://www.luster.kommune.no/getfile.php/4678310.1686.7qzlwncauptjut/Handlingspl+2020-2023ord.anl.pr+16.apr+2020.pdf>

**Når det skal utarbeidast ein områdeplan for Hafslo, bør det derfor leggest til rette for å få realisert ein fleirbrukshall på Hafslo. Vi håpar derfor Luster kommune regulerer areal til dette føremålet. Eit slikt anlegg vil ikkje berre kome idrettslaget til gode, men vil vere viktig for skule, barnehage og alle andre lag/organisasjonar i bygda.**

Hafslo 25.juni 2020

Ove Midtbø  
Leiar Hafslo IL  
Tlf. 41375655